



HISTORIJSKO PODRUČJE – STARI GRAD TODOROVO (NOVIGRAD) I DŽAMIJA U TODOROVU

09.09.2009. – 09.09.2022.

Zidine starog grada Todorova nalaze se na blagom uzvišenju pored ceste koja se između Skokova i Pećigrada odvaja od glavnog puta Bihać – Velika Kladuša prema Vrnograču, 22 kilometra od Cazina. Krajem XV i početkom XVI stoljeća ovaj grad se nazivao Novigrad i u početku je bio samostalna općina sa svojom samoupravom, ali je bio pod zaštitom Babonića Blagajskih.

Godine 1531. došao je u posjed knezova Zrinskih, koji su u grad postavili svoje kaštelane. Među kaštelanima Novigrada naročito se istakao Mihajlo Deli-Todor, koji je od 1549. do 1560. godine uspješno branio grad, pa je kasnije ovaj grad nazvan Todorovo. Grad je 1562. godine bio gotovo potpuno spaljen, ali je potom opet zaposjednut stražom 12 kraljevih vojnika.

Pod osmansku vlast Todorovo je došlo 1578, ali je do 1635. godine bilo nenaseljeno. U početku osmanske vladavine Todorovo je pripadalo Krupskoj, a kasnije Ostrožačkoj kapetaniji. Gradskom posadom, koja je u prvoj polovini XVII stoljeća brojala 217 ljudi raspoređenih u svih pet rodova, zapovijedao je dizdar. U prvoj polovini XVIII stoljeća grad je bio naoružan s 2 veža i 3 manja topa i posadom od 70 ljudi. Više puta ga je napadala austrijska vojska, a naročito 1682. godine stradao je od karlovačke banske vojske. Tekst i slike obradio: Igor Pečenković, dipl.ecc.hot.

Izvori: HAMDIA KREŠEVLJAKOVIĆ STARI BOSANSKI GRADOVI Godišnjak Zemaljskog zavoda za zaštitu spomenika kulture i prirodnih rijetkosti N. R. Bosne i Hercegovine, 1953

Stari gradovi Bosne i Hercegovine, Stari gradovi Unsko-sanskog kantona, „Zavod za zaštitu kulturnog naslijeđa USK“ Bihać



Sl. 148. Jugoistočna fasada džamije u Todorovu sa starom minarom

